

نورك پوردي

نورك اومباقلرى مركزى هيئتى طرفندە نشر اولغور.

جلد ۲

مايس ۱۳۴۱

نومرو ۸

روسلر آراسنده یگی برفکر جریانی

صوک بش، اون سنه یی مورخلر تدقیق ایدم جک اولس لر، شهسز بو قیصه دوره روسیه نك اضمحلالی، قدرت معنویه وسویه مدنیه سنك افلاس دوری دییه جکلردر. قوجه روسیه شوقیصه دورده نلر غائب ایتهدی. دنیانك آلتیه برینه مالک اولان بو ملتک ایکی ملیوندن زیاده منور طاقی وطنسز، یرسز، بین الملل حیاته آتیلدی. روسیه نك آوروپا و آمریکا ادبی حیاتنده بویوک رول اوینایان ادبا و شعراسی، موسیقیشناس، هیکل تراش، علماسی، تجاری، زادکافی آوروپانك سفالت اوجاقلرینك مسافری اولدی. بومنور طاقم دنیانك دوت کوشه سنده وطنسز، حمایه سز و پاساپورطسز؛ دنیانك دوت کوشه سنده رزیلانیه سفیلانه سورولمه یه مجبور ایدلدی.

آرالرنده تولستوی، تورکهنه ف، داستویه و سکی کبی بویوک داهیلر یتشدیرمش. منده لیه ف، مچینقوف کبی بویوک عالملری، چایقوفسکی، ریمسکی غورجاقوف کبی موسیقی شناسلری، یوزلرجه بیکلرجه متوسط قدرته محررلری و علمایی میدانه کتیرمش اولان بومنور زمره نه دن بویله خور و ذلیل اولدی؟ نه دن قوجه روسیه، بوندن اون سنه مقدم دنیانك اک بویوک دولترلی میاننده صایلاق روسیه بو کون سویه مدنیه سنی اودرجه غائب ایتدی؟ نه ایچون روسیه نك بین المللی سیاستنده کی وضعیتی فنلاندیا، استونیا، حبشستان درجه سنه ایندی؟ نه دن روسیه و روس دنیلدیکی وقت هر کسک عقلنه تیفسوس مقروبلری، و با قولرا باسیللرله آشیلاشمش معناسز، خیالی پروپاغاندا کاغدلریله طولش یاری یودالا، یاری خسته برآدام کلیور. بوندن اولدی؟ بونك نتیجه سی نه اولاجق؟ روسیه نك کرک روسیه ده قلان حقوقدن محروم منور زمره سی، کرک

مهاجرته مجبور اولان قسملر بوموضوع حقنده چوق دوشونيور وسيليريني آرايور؛
بونك حقنده كتابلر يازيور ، تدقيقات يايورلر .

روس مهاجرلرينك يالكز آوروپاده اليدن فضله مطبوعاتي وار . بونلر
دائما بومسئله حقنده مذاكره ده بولونيور . اسكي اداره يه منسوب مأمورلري
كندى خاطره لريني نشر ايديورلر ؛ ارباب سياست فرقه لرينك خطالريني تنقيد
ايديورلر .

ارباب علم آلدقلى يوللري يكي دن تفتيش ايديورلر . بوتون روسيه منور
زمره سي كندى فكر حر كترلرينك تاريخنى تفتيش وتنقيد ايديور . بوقاجه نك
سبيلريني آرايور . بواوغورده روسلر مياننده شيمدى يه قادار برقاج فكر جرياني
ميدانه گلش ، حتى بونلردن برقاجى ده افلاس ايتمىدر . اسكي مأمورين وزادكانك
بويوك برقسى بومصيتك مسيبي اولارق روسيه نك بوتون منور زمره سنى كورويورلر ؛
وبونلرك چاره وچارك مأمورلرينه قارشى ياپدقلى تنقيداتى انقلابك باشليجه
سائقى عد ايديورلر ؛ روسيه يي اصلاح ايتك ايچون سلطنت فرديه (مونارشى)
شكله خلق دعوت ايديورلردى . بونلرك زمانمزه اك زياته مشغول اولدقلى
مسئله روسيه نك يتيم قالان تخته موافق برچار بولايلمىدر . بوخصوصده روس
مونارشىستلرينك مساعيلرى تام نتيجه لر وبرمش وايكى چار بردن بولملاردى .
ريسى جهان حربنده باش قوماندان اولان ايتاليا قرالنك باجاناغى ، غراندوق
نيقولا نيقولايه ويچ غولشتاين (رومانوف) ايكنجيسى چار نيقولانك خاصه آلايى
قوماندانى غراندوق كيрил ولاديمير يچ غولشتاين (رومانوف) در . بونلردن
ايكيسنك ده شيمدى حكومتلرى ، باش وكيللرى ، حربه ناظرلرى وار ؛
ايكيسنك ده روسيه نك بوتون ولايتلرينه تعيين ايدلمش يوزلرجه واليلرى وار .
فقط بو حكم دارلرك خزينه لرى ، مالىه نظارتلرى موقه ضعيف بر وضعيتده در .
غراندوق نيقولانك آروپا خاندانلريله قرابتى اولدينى ايچون اورادن بورادن
« سده » قيلندن ويربان پاره لرله كچينيور وكندى ناظرلرى ، قوماندانلرى
وواليريه وديكر بويوك مأمورينه آز چوق حصه چيقيوردى . چارلرك عسكرى

واردوسی ده واردی . قریمده بویوک یارارلقلر کوسترن و رانکلده نیقولایه و یحک امرینه تابعدر . غراندوق کنج و فعالدر . او آرتق ولی عهد دکل، دوغریدن دوغری به ایمپراطوردر . صادق تبعه سنه « خط هایون » لرله مراجعتده بولوندی؛ هیأت و کلاسی ترتیب ایتدی . جبهه لر قوماندانلر تعیین ایتدی . و بویوک مأمورلردن « حکمداره و وطنه » صادق قالا جقارینه دائر یمینر آلدی . هر نه دن ایسه بویوک دولتر نزدینه سفیر و قونسول کبی خارجییه مأمورلری تعیین ایتدی . غراندوق کیریل برده دولت خزینه سی یابدی . او زمانه قادار « بویوک روسیه ایمپراطوری » نك خزینه سی فرانسه یه هجرت ایتش روس یهودی مهندس لرندن اسکیدن تورکیه نك موسقو واده فخری قونسولی اولان پاللاقوفک زوجیه سی مادام بیرتا ایساقوانا طرفندن اداره ایدیلیور، و بو بویوک مادامک « خزینه خاصه » سندن بوتون مصارف ادا ایدیلیوردی . شو صیرالرده ایمپراطور یجه حضرتلری آمریقایه سیاحت ایتدی . و اوراده کی اقربا ، دوست و صادق تبعه سندن اییجه پاره کتیردی . روسیه ایمپراطورینك خزینه سی مختار اولارق اداره یه باشلادی . ایمپراطورک یالکز عسکری یوقدر . مع مافییه پاره اولدقدن صوکره اوده حل ایدیه جکدر . مادام که روس عسکرلری آفریقا و صحرای کیرده ، فرانسلره پاره مقابلنده خدمت ایدیورلر ؛ مادام که آرناوود اختلالنده احمد زوغو طرفندن پاره یه مقابل روس عسکرلری اختلال یاپیورلر . او حالده « بویوک ایمپراطور » ده پاره واره صادقانه خدمت ایده جکلردر .

مونارشیتلردن صوکره لبرالر کلیور . بونلر اسکی دورده چارلغه قارشى سیاسی مجادله یاپان آووقات ، طیب، محرر ، ادیب ، تجار قسمنی طویلامش بفرقه ایدی . بفرقه نك یکانه علمدارى ، وقتیه کره نسکی حکومتده خارجییه ناظرى اولان تورک دشمانی مشهور میلیقو قدر . بونلرک نقطه نظرندن بوفلاکتک سببی روسیه ده انتشار ایدن سوسیالیزم فکریدر . چار حکومتی قالدیریلار ق اداره ده موقراطلرک انه کچدیکی وقت یکی اداره یی داخل خراب ایدن سوسیالیزم جریانی اولمشدر . بونک ایچون خلقی استقبالده سوسیالیزم جریانندن محافظه اییلی ؛

اداره يي آوروپاده اولديني کي ده موقراسي اساسي اوزرينه تاسيس ايتلدر. چونکه آوروپاده داخلي وضعيت اوقادار مشکل اولديني حالده ده موقرات فرقه لر قومونيزم جريانك توسعه مانع اولشلر ، آوروپا مدنيتي بولشويزم فلاکتدن محافظه ايتلدر .

فقط بو فرقه وحدتي غيب ايتدي . جمهوريتجي ومشروطيتجي ناملريله ايکي جناحه آريلدي . ذاتاً سوسياليست جريانلري روسلرده برقاج غروبه آيرلشدي . قومونيزم اختلالی بوفرقلري داهازياده بويولتدي . قومونيستلرک سوسياليستلره قارشى بايدقلري تضيق و ظلم بوايکي فرقه يي يکديکرينه قارشى دشمن ياپدي . سوسياليست فرقه لر ينك باشلوجهلري مينشويکلر داهازي دوغروسي سوسيال ده موقراتلردر . بوجريانك اساسي مارقسيزم فلسفه سيدر . عمله مسئله سنده بيله بونلرک بولشويکلرکله فرقلري يوق کيدر .

فقط بونلر تدريجي اصولي قبول ايتدکلري حالده بولشويکلر انقلاب يوليله غاييه واصل اولمق نيتنده درلر .

ايکنجي سوسياليست فرقه سي خلقجي سوسياليست فرقه سي در .

روس فرقه لري آوروپانك مختلف مملكتلرينه انقسام ايتمشدر . مونارشيستلرک مرکزلري اولان يوغوسلاويا وباويرا ايله بولغارستانده يوز بيکدن رياده اسكي مأمورين ، اسكي ضابطان وزادگان ياشيور . بونلرک کنديلرينه مخصوص برچوق کتاب نشر ايدن جمعيتلري ، برچوق مجموعه لري ، کونده لك غزته لري ؛ فرق بيکه ياقين عسکرلري ده وارددر . ليبراللرک مرکزي اولدن برلين ايدى . شيمدي پارس در . بونلرک ده اوراده بر چوق کتاب نشر ايدن جمعيتلري ، غزته لري ، مجموعه لري وارددر ؛ وفرانسه يه مهاجرت ايتمش اوچ يوز بيک نفوس آراسنده بوفکرلر ياييلوردى . سوسياليستلرک مرکزي چك اسلوواقيادر . چك حكومتك معاوتى سايه سنده بونلر او مملكتده واسع مقياسده ايشلر كورمكه موفق اولمشلردر . بوراده روس مهاجر پروفورلري طرفندن تاسيس ايدمش ايکي دارالفنون برقاج اورتا مکتب وارددر . بويوك مکتب

طلبه‌سندن چك حكومتی طرفندن اعاشه ایدیئلرك مقدارى یدی بیکدن زیاده‌دره یوز بیكلره بالغ اولان روس مهاجرلری بوراده بویوک مدنی ، علمی مؤسسه‌لر میدانہ کتیرمشر وچکلرك مادی معاونتلی سایه‌سنده بویوک تشکیلات یامیشلردر. چك حكومتك مهاجرلره رسمی یاردیمی آیده بش میایون قوروندر. روسلرك بوتون علمی ومدنی حیاتی بوراده طویلانمشدر . بویوک روس عالملى، بویوک ادیبلى، بویوک رساملری بوکون روسیه یه نسبة چك سلوواقیاده دها زیاده‌دره . بوملكت اسلاو عالمك مرکزی اولمشدر . بوفلسفی جریانلرك هپسی اسکی دوردن قاله ، اللى آلتش سنهك بر تاریخه مالک اولان علمی وسیاسی جریانلردر. وونلرده روسلر مخصوص خصوصى نقطه‌لر بولق اولدغه کوچدر . روس فکری تقلیدجی اولدی ایچون بونلرك اکثریسی آوروپادن ترجمه ایدلش فکری جریانلردر . وهپسنگده اصل مقصدی روسیه یی آوروپالیلاشدیرمقدر . فقط صوک سنلرده روسیه نك فکر جریانلری میاننده یکی بردوشونجه طرزى، حیاته یکی برنظر میدانہ کلیور. بوجریانك مبدائی برقاج سنه اولدیغی حالده انتشاروتأثیرینك وسیعتی بونك مهم وحیاتی رجریان اولدیغی کوستریبور . بوجریانده « آوروپا - آسیا ، جریانی در .

اساسی، فلسفه‌سی آوروپاده مهاجرت دورنده میدانہ کاش، فکرک انتشاری ده مهاجرت زماننده اولمشدر. بونلرك شیمدی خصوصى مجموعه‌لری، کندى نشریاتلری وارددر . بوفکرک آرقه‌سندن قوشان پروپاگاندا جی کنج عالملى وارددر .

اساس اعتباریله بوجریان روسیه ده چوق یکیدر و بز تورکلری چوق علاقه‌دار ایدم چك طرزده‌در . « آوروپا - آسیا ، جیلرك فکرنجه روسیه آوروپا دکلدردر ؛ آسیا دکلدردر . روسیه آوروپا ایله آسیا آرمسندہ قالش ، ایکیسنگده تأثیری آلتدہ بو حاله کاش برمملکتدر. روسیه یالکز روسلرك مملکتی دکلدردر. روسیه اواراضیده یاشایان بوتون ملتلك مملکتیدر. روسیه مدیتی روسلرك میدانہ کتیردیکی برمدیت دکلدردر . روسیه ده یاشایان بوتون ملتلك مدیتی در . روس ملتى صربلر ، چکلر ولهلیر کی یالکز اسلاو عنصرندن حاصل اولمش برملت دکلدردر . بوتورك قابله اسلاو قاننك آشیلانساندن چیقمه برملتدر . بو آری جنسه منسوب برملت دکلدردر.

بو هم آری ، هم تورک وفین - اوغور جنسلرندن ترکب ایتیش برعزوجه در .
 روس لسانی باشقه اسلاو لسانلرینه بکزه من . چونکه بونده تورک تاتار لسانک
 بویوک تأثیری اولمشدور . تورک تاتار لسانی بویوکالکز بیکلره بالغ اولان کله وسورلری
 دکل ، عینی زمانده معناری وترکیبلری ویرمشدور . روس روحی ، روس بسیقولوزیسی
 دیدیکمز حال ، اسلاو ملتیرینه مخصوص برحال روحی در . بوده تورک تاتار
 وروسلرک خلیطه سندن دوغمه برروحک دوشونجه وحسیاتنک ثمره سیدر . روس
 موسیقیسی یالکیز اسلاولرک موسیقیسی دکلدر ؛ بوتورک تاتار وروس موسیقیسیدر .
 روس سیاسی دنیلن سیما براسلاو سیاسی دکلدر . بوتورک تاتار واسلاو سیاسندن
 متشکل برسیما در . روسلرایچون چوق بکی اولان بوفکری ، برچوق طلملر تاریخی دلائل
 ایله اثبات ایدیورلر ، مثلاً دیورلر که : روس افسانه سی آله آله لم . بونلری تدقیق
 ایدلم . بونلر بزی برادرلریمز صربلر وچکلره باغلامیورلر . بلکه ایدیل بوی
 تورکلری ، سبریا تاتارلری ، تورکستان وقازاق قیرغزلری ایله برلشدیر بیورلر .
 مثلاً خلق شرقیلرینی آله آله لم : بونلرک وزنلری بش «تون» لیدر . وهمده آوروپا ملتیرنده ،
 خصوصیه نرم دیگر اسلاو قوملرنده موجود دکلدر . بووزن تورک تاتارلره مخصوصدر .
 صوکر خلق دانسلرینی آله آله لم : آوروپا ملتیرینک دانسلری دائماً برقادین برارکک
 طرفندن یاییلیور و بوراده ارککک وقادینلق رشرطدر . و دائماً آلیاق حرکتلرینی
 آل برلکیله یاییورلر . سلاو ملتیرندن چکلر و صربلرکده اسکی دانسلری بو طرزده در .
 فقط روسیه ده اهالی دانسی یالکیز ارککار و یالکیز قادینلر طرفندن یاییلیور .
 برابر اولدینی وقت بونلرک ایکسینک معلوم حرکتلری برابر یایمالری مجبوری دکلدر .
 بوراده دانسده قادین التفاتسز ، اهمیت ویرمیورمش کبی کوزو کیور ؛ ارکک قادینک
 دقتی جلب ایتک ایچون آلدن کلن بوتون مهارتی یاییور . بو طرز دانسلرده تورک
 تاتار ملتیه مخصوصدر . روسلر بودانسلری ده تورک تاتارلردن آلمشدر . بویوک
 و کوچوک روسلرک نقشلرینه کله لم : بونده ده روسلر تماماً سلاولردن باشقه در .
 بونلرکده اکثرینک موده للری قزان اطرافنده بو کونه قادار قوللانیلان آیاق قابلری
 وقادین چتکلرنده بولویورز . بوده شبهه سز تورک و تاتارلردن کله در .

امور بیتیه کلنجه اؤک یاپیلمی و حیات اداره خصوصنده روسیه غربی اسلاولردن باشقه طرزده در . اولا روسلرک « ایزبه » کلمسی تورک تاتارجهدن آلمشدر . اشتان (ایچ طونی) ، قافتان ، جیکمن ، باشلیق ، شوبا (جبه) ، بینمەت تمامیلە تورک سوزلری در . (تنکه) خزینەدن ، (بابار) ده بای آردن بوزولمش کلمه لردر . دیمک طرز حیاتمز و تجارتمزده تورک تاتارلر بزه معلم اولمشلردر . حکومت تشکیلاتمز ، عسکری تنظیماتمز تمامیلە تورک تاتارلردن آلمشدر . بوندن بشقه روس دامارلرنده خزر ، بجنک ، بولونی ، بولغار ، تاتار قانلری جولان ایدیور . اوقانلر روس دنیلن ملتی تمامیلە بشقه اسلاو ملتلرندن قهریق ایدیور .

روس ملتی محاربهده یورولدقن صوکره بوضعیف خسته ملته بولشویزم صوقق قولای اولدی . بولشویزم اسکی خطالر سلسله سنک نتیجه سی ، ملی تربیه و ملی سیاستک یاکلش یولدن کیتمه سنک محصولدر . بوخسته لق کچه جکدر . شیمدی ده فنا دوری کچمشدر . فقط بوخسته لق کچدکدن صوکره روس حیات یکی برطرزده اصلاح ایتلی و روسیه نك یولنی کندی ملی یولنه چورمیلدر . روسیه نك تاریخنده ایکی بویوک خطا اولمشدر . بوناردن بریسی ۱۳۸۰ سنه سنده روسلرک استقلال ایچون سرای خاننك قوماندانی مامای میرزا ایله محاربه لری در . بو محاربه روس ملتک کندی معلملرینه قارشى عصیان و روس تاریخنك اك بویوک خطاسیدر . ایکنجی خطا دلی پترونك فنلاندیا باطاقلغنده آوروپایه پنجره آچاسی ، روس حیاتى جبراً آوروپالیلاشدیرمق ایچون چالیشمایدیر . بو صوکنجی آدیমে روسیه نك اجتماعی حیاتى کندی طبیعی جریانندن چیقارلمش ، ویکی بر مجراده بولامامشدر . بوندن طولانی اهالی اسکی غننه سنه صادق اولارق آسیالی قالمش ، منور زمره آوروپالیلاشمش ، و بویکی اساسلی عنصر آراسنده اوچوروم آچلمشدر . بوسورته [وحدت ملیه غیب اولارق ، تاریخنك ضربه سی آلتیده جهان محاربه سنده بربریه روحاً تماماً اجنبی اولان بویکی عنصر داخلی محاربه یه باشلامشدر ؛ فرصتدن بالاستفاده هراییک صنفده دشمن اولان ، ینه آوروپادن کله یهودی محصولی قومونیزم

جرياني روسيه يه صاحب اولمشدر . بونلرك فكرنجي روسيه نك اك بويوك سياسي
وسيه اك بويوك خدمتي ياپان جنكيز خاندنر . روسيه نك اك پارلاق دورى
جنكيز خان سلاله نك ۱۳۸۰ سنه سنه يعنى روسلرك استقلاللرينه قادار اولان
وريدر . بوجريانك غايت فعال برقاج عالمى وار . بونلردن بريسي (ساويه تسكى)
سمنده ، پراغ روس دارالفنوننك بركنچ مدرسيدر . ايكنجيسى پرنس نيقولوى
وينسكوى در . بو ذواتك اطرافه ايجه روس منور زمزمه سى طويلانمشدر .
پريان كوندن كونه بويومكده در . جريانك روسيه ده ، روسلر آراسنده شپه سز
ك چوق طرفدارى اولاجقدر . وبوفكرى جريانك استقباليده بويوك بر رول
ينامسى چوق محتملدر . چونكه حقيقه ده روسلره تورك تاتارك مدنى خدمتى
يت بويوكدر . وروسيه يي قوجامان بردولت يانمقده تورك تاتار عنصرينك قوتى
نجى درجه ده رول اوينايشدر . روسيه نك ايكي بويوك حكمدارندن برى عد
ديلىن بوريس غودونوف تاتار ميرزاسيدر . روسيه نك شرقه دوعرى حركتنده
مدت ايدنلر قازان ، استراخان ، نوغاي خانلقلرينك روسيه سلطنته داخل
ماسنه يارديم ايدنلر قاسم خان تاتارلرى در . بويوك پترو دورينه قادار دولت
اره نك اك مسئوليتلى ايشلرى اكثريا خريستيانانى قبول ايتمش تاتار ميرزالرينك
نده قالمشدى . روسيه ده كي زادكان صنفك بويوك بر قسمى تنصر ايتمش تاتار
رزالريدر . بوكون كناز اوروسوفلر ، كناز يوسوبوفلر ، كناز كره ييفلر ،
ساز پانغالييفلر ، كناز دولتيكليديفلر ، بالاشوفلر ، پاقوبوويچلر ، بوليكنيلر ،
ريزنلر وداها سائر بيكلرجه بويوك عائله لر جبراً اختيار تنصر ايتمش تورك تاتار
لرينك بقاياسيدر . بونلردن باشقه روسيه نك علمى ، سياسى ، مدنى خدمتنده ده
رك تاتارلرك بويوك رولى اولمشدر .

روسيه ده سوسيال ده موقراتلق فكرينى اك فضله نشر ايدنلر وبومسللك
يسى (پليخانوف) تور كدر . او قادار بويوك فلاكتلره سبييت ويرن قومونيزم فكرينك
ممبرى (لنين اوليانوف) تور كدر . انقلابه قارشى ايلك دفعه عصيان ايدن مشهور
قوماندان جنرال قورنييلوف تور كدر وقيرغيز قباثلندندر . سرباده حكومت تأسيس ايدوب

بولشويكلره قارشى ايكي سه قادار حرب ياپان آميرال قولچاق تور كدر ؛ و جنوبي روسيه ده كي عثمانلى توركلرى بقاياسندندر . بويوك عالمردن ميند لياف ، توغان بارا توفسكي تور كدر ؛ بويوك محرزردن تور كنهف ، آقساقوف ، ديرزاوينى ، آرتسياسف ، وبويوك موسيقىشتاس تانييف تور كدرلر . بوندن باشقه زمانمرك مشاهيرندن ، ليبرال فرقه سنك رئيسى وتورك دشمانلغيله معروف ميليقوف ، روسيه ده يكي براهل صليب يامق خولياسنده بولونان بيرد ديف تور كدرلر . ايكنجى واوچنجى درجه اهميتده كي تنصر ايتمش توركلرك عددى چوق بويوكدر . وبونلرك روس مدنيتنه ، علمنه ، سياستنه خدمتلى روس عنصرينك خدمتندن داها زياده در . بونك ايچون روسيه ده حریت كلام ، حریت مطبوعات تأسس ايتديكي وفاقلايه بر اداره يرلشديكي زمان بوجريان بويوك بررغبت بولاجق ؛ روسيه نك داخلي وخارجى سياستنه تاثير ايدم جكدر . بوجريان بلكه بزم استقلال مليسنى محافظه ايدن تورك ايللر يمزه ، توركيه ، ويرانى اداره ايدن آذربايجان توركلرينه خارجى سياستنه دوستلق وقارده شلق ياباجقدر . فقط بوجريان روسيه داخلنده قالان توركلر ايچون قورقولاچق بر جرياندر . بوجريان روسيه ده ياشايان وروسلاشايه يوز طومش اولان شمال توركلرينك تماميله تمثل ايدمرك ، روسلاشمارلى ايچون يكي بروسيله اوله جقدر . مى شعوردن محروم اولان تورك كنجلككنك بات قومونيزمدن داها مضر برزهر چيقمش بولونا جقدر . هر نه اولور سه اولسون بوجريان چوق شايان دقدر ؛ ودائما توركچيلىك جريانلرينك مراقبه سندن اوزاق طوتولماسى لازم كلن . برحركت فكريه در . بزده المزدن كلديكي قادار بوفكر حركتنى تورك يوردى صحيفه لرندم تعقيب ايدم جكدر .

عباسه اسماعى

برلين - كاتون تافى - ۱۹۲۵